



Universitätsbibliothek Paderborn

**Disputationes|| ROBERTI BELLAR-||MINI E SOCIETATE
IESV,|| DE CONTROVERSIIS CHRISTIANAE|| FIDEI,
ADVERSVS HVIVS TEM-||poris Hæreticos,||**

Tribus Tomis comprehensæ.||

De|| EXTREMA VNCTIO-||NE, ORDINE, ET MATRI-||MONIO.|| SINGVLIS LIBRIS
EX-||PLICATA.||

Bellarmino, Roberto Francesco Romolo <Heiliger>

Ingolstadii, [1599]

VD16 B 1607

VI. De materia, forma, & ministro Sacramenti Matrimonij.

[urn:nbn:de:hbz:466:1-54104](https://nbn-resolving.de/urn/resolver.pl?urn=urn:nbn:de:hbz:466:1-54104)



CONTROVER SIA SECUNDA.

CAPUT SEXTVM.

De materia, forma, & Ministro Sacramenti Matrimonij.

ET si de materia, forma, & Ministro huius Sacramenti aliquid iam attrigimus, occasione argumenterum Durandi: rursus tamen paulò fusiùs id pertractandum est, tum ob Martini Kemnitij calumnias, tum ob nouam, & singularem opinionem Melchioris Cani. Id quod necessariò faciendum nobis esse videtur, ut dogma Ecclesiasticum in superiori quæstionc explicatum omni ex parte tectum ac defensum maneat.

Kemnitius enim hinc argumentum dicit, ad probandum, nullum esse coniugij Sacramentum propriè dictum, quod in coniugio, materia & forma, siue elementum & verbum, non facilè demonstrari possint.

Canus autem dum pro sua opinione pugnat, iis argumentis imprudenter utitur, quibus hæretici nostri temporis, Ecclesiām vexare possent; si quidem lib. 3. de locis Theologicis cap. 5. affirmat non omne Matrimonium inter Christianos legitimè contractum esse Sacramētum, sed illud solum, quod à Ministro Ecclesiastico sacris, & solennibus verbis celebratur. Quocirca verba, quibus coniuges mutuum consensum exprimunt, admittit ille formam esse contractus coniugij, sed non Sacramenti coniugij: & personas contrahentes admittit esse Ministros contractus coniugij, sed non Sacramenti coniugij.

At quia sententia communis, & vera, distinctionem istam omnino ignorat, & nihil interesse statuit inter contractum coniugij Christiani, ciusq; materiam, formam, & Ministrum;

& Sacramentum coniugij, eiusque materiam, formam, & Ministrum: ita ut quod sufficit ad contractum istum celebrandum, idem sufficiat ad Sacramentum celebrandum: inde fit, ut dum Canus toris suis viribus probare conatur, Matrimonium sine forma verborum à Ministro Ecclesiastico prolatum celebratum, non esse Sacramentum, simul etiam propter quantum in se est, nullum reuera esse in Ecclesia coniugij Sacramentum.

Nos igitur ut utriusque respondeamus, PRIMO, exponemus breuiter, quæ sit materia, quæ forma, & Minister huius Sacramenti, secundum communem sententiam, & Kemnitij Calumnias repellemus. DEinde, Cani sententiam refutabimus; atque eiusdem argumenta soluemus.

Quod igitur ad PRIMVM attinet, de materia huius Sacramenti duæ sunt Thologorum præcipuae sententiae, quas Petrus Paludanus refert in 4. dist. 1. q. 4. VNAM est, quod consensus coniugum verbis expressi, seu verba consensum exprimentia, sint materia, & forma huius Sacramenti. ALTERA, quod ipsa corpora, seu personæ contrahentium, sint materia: verbis tò exprimentia consensum, sint forma.

Quæ sententiae meo iudicio sunt ambæ veræ, & facile conciliari possunt. Nam coniugij Sacramentum duobus modis considerari potest. UNO modo, dum fit. A LTERO modo, dum permanet postquam factum est. Est enim Matrimonium simile Eucharistie, quæ non solum dum fit, sed etiam dum permanet, Sacramentum est: dum enim coniuges viuunt, semper eorum societas Sacramentum est Christi, & Ecclesie.

Si igitur consideretur Matrimonium, dum fit, tota eius essentia in signis experimentibus consensum mutuum constituit: corpora enim coniugum non concurrunt, nisi ut materia circa quam, ut etiam dum fit Eucharistia, tota essentia consecrationis in verbis sacris posita est: panis autem, & vinum solum concurrunt ut materia circa quam. Et idem videmus in aliis contractibus. Nam cum venditur, aut emitur domus, tota contractus ratio in consensu mutuo sita est: domus autem est materia, circa quam operatio illa versatur: nemo enim dicit domum, quæ venditur, partem esse contractus. Sed quia verba unius coniugis, determinant verba alterius, & ab illis pariter determinantur, ideo in iisdem verbis distingui potest.

materia, & forma: nam verba quatenus determinant, forma
dici posunt, quatenus determinantur, materia.

Atq; hæc est sententia S. Thomæ in 4. dist. 26. quæst. 2. art. t.
Nam in responsione ad 1. dicit, formam Sacramenti huius es-
se, verba coniugum; in responsione ad 2. dicit, materiam esse,
actus ipsorum coniugum, quibus Sacramentum Matrimo-
nij perficitur, vbi per actus intelligit eadem verba, quæ paulò
antè dixerat, esse formam; nulli enim alij actus necessariò re-
quiruntur ad hoc Sacramentum perficiendum. Nec non Ri-
chardi, Paludani, Capreoli, Dominic à Soto, & aliorum in
eadem distinctione.

Si verò consideretur Matrimonium iam factum, & cele-
bratum, negari non potest, ipsos coniuges simul cohabitan-
tes, siue externam coniugum societatem, & coniunctionem,
esse materiale symbolum externum, repræsentans Christi &
Ecclesiæ indissolubilem coniunctionem: quemadmodum in
Sacramento Eucharistiæ, consecratione peracta remanent
species consecratæ, quæ sunt symbolum sensibile atque ex-
ternum, interni alimenti spiritualis.

Quare rectè mihi dixisse videtur Petrus à Soto, lect. 4. de
Matrimonio, materiam non solum circa quām, sed etiam ex
qua Sacramentum Matrimonij constat, esse personas contra-
hentes. Theologi quoq; fermè omnes satis indicant, corpora
coniugum esse materiam Sacramenti huius, dum affirmant,
Ecclesiam posse constituere certos gradus consanguinitatis,
& affinitatis, intra quos Matrimonium sit irritum; quia dum
eos gradus constituit, facit ut personæ quæ alioqui erant ma-
teria Sacramenti huius, iam non sint amplius materia. Atque
hæc de materia dicta sint.

Forma autem, consensu omnium Theologorum, Cano
excepto, sunt verba, vel signa mutuum consensum exprimen-
tia. Id habet expressè S. Thomas loco notato in 4. dist. 26. q. 2.
art. 1. ad 1. & ante eum Hugo de S. Victore, lib. 2. de Sacra-
mentis, part. II. cap. 5. & omnes alii.

Sed obiicit Kemnitius, pag. 1221. Ioannem Gropperum no-
stra ætate docuisse, formam Sacramenti Matrimonij esse illa
verba Domini, Matth. 19. Quod Deus coniunxit, homo non se-
paret. proinde non deesse, qui contra Scholasticos doceant,
non esse formam Sacramenti huius, signa mutui consensus.

At

At Kemnitius more suo non bona fide Gropperum citi,
Locus Gropperi est in Enchiridio Christianæ Institutionis,
nomine Concilij Coloniensis edito, in tractatude Sacra-
mento Matrimonij : quo loco GROPPERVS colligit quidem for-
mam Sacramenti huius ex verbis Domini : *Quod Deus coniunxit, &c.* sed non ait, illa verba esse formam, aut necessario
recitanda esse: immo expressè dicit, verba mutui cōsenitus esse
formam sacramenti: *Superest*, inquit, *ut verbum & ele-
mentum huius Sacramenti indicemus, & gratiam in superis
eo conferri demonstremus Verbum itaque huius Sacra-
menti, quo accedente ad elementum, sit Sacramentum, id nimi-
rum est, quo ambo, mas & fæmina, (cū pietatis refellit,
qua in Deum est, sibi mutuo fidem coniugalem dant, acci-
piuntq;) non quoniam modo, sed in Dei nomine coniunguntur,
& copulantur. Vides Lector, Gropperum non dissentire à co-
teris, in huius Sacramenti forma constituenda; & idē so-
lū allegasse verba Domini : *Quod Deus coniunxit, &c.* ut
probarer, Matrimonium Christianorum non esse contra-
ctum merè ciuilem, & humanum, & verba coniugum refe-
renda esse ad illam diuinam, & sacram coniunctionem, de
qua dictum est: *Quod Deus coniunxit, &c.**

Ex his parebit etiam, quis sit Minister huius Sacramenti.
Nam cū ad Ministru[m] propriè pertineat, verba formæ
pronunciare, & per ea Sacramentum conficere: & in hoc Sa-
cramento verba formæ à coniugibus proferantur, necesse
est, coniuges ipsos esse proprios huius Sacramenti Ministro-

N E Q U E absurdum videri debet, quod in easdem personis
concurrat causa materialis, & efficiens: id enim exigit natu-
ra contractus, qui de personis contrahentium fit. Quemad-
modum enim, si quis in seruum alicui se ipse venderet, idem
esset vendens, & res vendita, efficiens, & Materia: sic etiam in
Matrimonio, cū ipsi coniuges se mutuo tradant, ac donent,
ipsi efficientes, & ipsi materia sunt. Et quanquam requiritur
ex decreto Ecclesiæ, Minister Ecclesiasticus, qui consensum
coniugum exquirat, & eundem approbet, & declarer, & be-
nedictione sacerdotali confirmet; tamen propriè qui Ma-
trimonij Sacramentum efficiunt, ipsi coniuges sunt.

Ex his refelli possunt Kemnitij calumniæ OB 11 C 1 T ille,
in 2 part, Exam pag. 1220. & sequenti, Scholasticos nondum
fingere

Engere potuisse aliquid, quod materia & forma in hoc Sa-
cramento rectè dici possit. Addit, Theologos & Iureconsul-
tos nostros admodum varias, & incertas opiniores de hac re
habere arguit Tridentinum Concilium, quod nihil in re tam
dubia determinauerit: colligit ex his omnibus, non posse
etiam à nobis verò asserti, Matrimonium esse Sacmentum.

Sed hæc omnia leuia sunt, & inania. Nam IMPRIMIS
Concilium nihil determinauit, quia non erat opus. Sicut
enim Dominus ipse non expressit materiam, & formam huius
Sacramenti, quia non nouum symbolum instituit, sed huma-
num, visitatumque contractum euexit ad Sacramenti dignita-
tem, attribuens illi contractui nouam significationem, &
gratiæ promissionem: sic etiam Concilium muneri suo fa-
tisfecit, cùm explicuit Dominicam traditionem.

DINDE, Theologi mirificè inter se conueniunt quo ad
formam, & Ministrum: quoad materiam autem non ita dis-
sentient, ut facile conciliari non possint.

Et quamvis eiiam tum de materia, tum de forma maximè
inter se Catholici dissiderent: nihil id officeret certitudini, quā
habemus de Sacramento Matrimonij. Nam ad fidem Catho-
licam de Sacramentis habendam, & ad eadem Sacra-
menta fideliter ministranda, vel suscipienda, satis est scire, quid necel-
lato requiratur ad Sacmentum celebrandum, & quot sint,
& quæ illa, sine quibus non perficitur Sacmentum: quid au-
tem in his propriè forma sit, quid materia, sine fidei præaudi-
cio disputari, & etiam ignorari potest. Sciat Parochus, ad Ba-
ptismum aquam esse necessariam, cum illis verbis sacris: Ego
baptizo te in nomine Patris, & Filii, & Spiritus sancti, utrū
autem aqua, materia dicenda sit, & verbum, forma, adeò sine
periculo ignorabit, ut etiam si verbum, materiam, & aquam,
formam esse crederet, neque perniciösè erraret, neq; inutiliter
baptizaret. Ad eundem modum si Christiani teneant, ad ma-
trimonium ritè celebrandum, mutuum consensum legitima-
rum personarum signo sensibili expressum, esse necessarium;
et que eiusmodi symbolo, ut vero nouę legis Sacramento pro-
missionem, gratiæ esse annexam: nihil periculi erit, etiam si
soror materia, & formam distinguere non valebunt. In hos
autem Theologi amnes conueniunt, uno Cano, ut diximus,
excepto, Nihil igitur Kemantius in hac parte obtinere potest.

CAPUT